

施南府志續編



旒 旒 旒 旒
纒 纒 纒 纒

纒 纒 纒 纒
旒 旒 旒 旒

施南府志續編序

予守施南之五年值巡撫彭大中丞督
修湖北通志核各郡以女志上施南黨志
蓋說同治十年者通志幾百年而始修
不忍令十年以後之宜志亦不與共感也於
是有續志之編延雷學博喜治主之歷三
月有餘稿甫畢劍而予以九年移守武
昌故明年施人以志稿寄予寔宜予閱之
終卷至藝文門有所謂王公政績碑王公
云思碑者視其名則為君核予駭嘆久之
先乃進施人而告之曰州物之志幸功令而修
所以備通志之採而主之

朝廷者也欽惟我

國家

列丞相承勤恤民隱其訓好友方崇獎循良孫
生考心實政悃悃無華

世宗憲皇帝

高宗純皇帝厲詔禁部民為卒官製初勒碑
嘉慶七年御史朱斌請寬為禁

仁宗睿皇帝後呂守令後司民牧分應廣潔自
夫接字為恠果有善政及民自必曰碑載

二

道不修者新粉飾之諭蓋不專以外
飾之繁文驕居官能者其用意至深且
遠立訓至明且切也如此煌

天語書法實錄歲之史宓在何人鞫累郡

人士冒禁刊碑者不敢居也決乎通鑑
載唐時書如吏民為宋琮立遺書碑琮
上言臣在為書它異跡請教下禁止夫以

宋廣平其人其時又無刊碑之禁而且云
欲革此風世自臣始在樞視廣平何以獨
甘冒恥受誥君之學守存之碑於藝文
重有於罪多若碑且宜仆况張古其文而
於之志以示末若乎愛焉而重其罪施
人其謂之何抑施人以是率予其蓋施
之為府始乾隆元年其前無論矣為

三

府之後一光於嘉慶元年之友正再援於
咸豐十一年之粵逆雖時官形土者殺死
扶傷日不暇給郡城坊塔如末及末風光後
始末載在前志可考也而予幸嘗無事
與民休息以平易道路修舉廣陽去之
好力身及諸名蹟之在郡者暇必能過
考及施人士於其間苟宣其勞苦澹澹

而得冰之更唱迭和蔚然可觀雖不敢謂
一時之盛而民幸太守之不為煩苛茲稱
是若徜徉山水之樂者或未容以遽息也
嗚乎藉以施人之純樸易治遺予以安靜
而便予之拙予曷克有是而報予於施人
終一日念哉况施人之不忘於予也如是
哉况為第去之碑文且稍更其體例乃序

四

而歸之以後施人之不予忘與予之不忘
施人者志事則尹比部壽衡鑿訂之
力為多詳具而著瑛言者不備述
光緒十年癸次甲申秋九月前知施南
府事無錫王庭禎撰并書



施南府志續編序

方志之以續名者莫古於宋時朱長文之吳郡圖經續記其後會稽有寶慶續志蓋張湜所撰於前志補其遺逸廣其疏略正其譌誤四庫全書提要稱其不漏不支叙次有法尚矣定若明人黃璿之建

陽續志名繼前志實則體例各殊張愷之常州府志續集則凡見舊志者不錄無錫王君子泉之來守施南也當光緒三年越五年而大府督脩湖北通志府州縣例各以其志上王君擇郡之謹厚而文者哀錄自同治十年以後連綴舊志是

為施南府志續編蓋仿明黃張二志
而所謂正譌誤補遺逸亦往因事
以見其撰述大旨具尹比部壽衡志
例瑣言在今方志中庶幾能謹嚴
有規矩者初稿甫創而余來代君
既為之整比乃舉付郡人鋟板會
垣而為叙其簡端曰施南之等於

要荒久矣乾隆朝始建為府與宜
昌相唇齒蓋用以通楚蜀之援厚
巴夔之勢者顧其地山川環結內迫
險阻自古用兵由巴蜀瞰荆楚者恒
取道焉以出奇則邊防顧不重哉余
向者下車伊始於郡城之宜加脩葺
者既已竣事矣然邊防尤倚積貯

不此之務猝遇小警為清野入保之
計烏道羊腸向所謂得地形者今
反以梗吾轉輸懸罄之室何恃而
不恐哉故嘗欲為各屬邑備倉穀
萬石以上郡城則三倍之又以為五
邑所隸鄉村宜各有社義倉之建
議未及上將受代以去心滋慙焉夫
備禦素具積萬金之勢俾黠者必
無幸於一逞窺伺之萌永塞枹鼓
之鳴不驕此為


三

天子慎固封守者所有事也及身未能
而異幸繼者力為其創第問於
國家何如不必其事之自我又拙者之
恒情而仁人君子所不罪也余既以

廣積貯告施人因埶識如此以諗後
之久官斯郡而能為兩得為者時余
去施南之前數日也施人拳之於余
猶余之拳之施南嗚乎余其重媿此
施南也夫

光緒十年歲在甲申冬十一月權知
施南府事巴陵李謙撰并書

四



增修施南府志續編姓氏

督修

三品銜候選道施南府知府調補武昌府知府王庭楨
鹽運使銜補用道候補知府署施南府知府李謙

編輯

內閣中書銜恩施縣教諭升襄陽府教授雷春沼
刑部總辦秋審處兼管司務廳浙江司主事尹壽衡

總校

江西候補知縣康佩謙

試用訓導朱輝旒

分校

候選教諭姚樹勳

試用訓導朱展

恩施縣學選拔廩生王鶴齡

宣恩縣學增生朱開第

來鳳縣學附生劉開元

咸豐縣學附生劉學獻

利川縣學廩生劉子書

建始縣學廩生楊逢恩

採訪

兵部武選司候補郎中黃炳文

候選巡檢成旭初

同知銜皮越羣

候選縣丞康述謙

恩施縣學廩生王孫桂

宣恩縣學附生朱開來

來鳳縣貢生章 浩

咸豐縣學附生王紹緒

利川縣貢生覃大章

建始縣學廩生張仲義

擬訂施南府前志瑣言

光緒十年春余奉繼慈諱回籍仲夏至鄂太守王公子
泉出示施南府志續編稿本雷少泉學博所輯也屬余
踵成之按前志自宋氏鼂始李氏宗汾繼之羅氏德崑
集其成三廣文於乾道間後先纂修同治十年復經重
訂其網羅散佚蒐討舊聞考摭引徵固已洪纖畢舉而
門類參差不能無待於繼起者之整齊也古地志名圖
經又稱圖志輿地附圖則幅員封畛開卷周知周官司
徒職方所掌其圖製不可詳晉裴秀禹貢圖今亦僅存

施南府志續編

瑣言

一

其說 國朝惟胡渭顧祖禹論述圖法得裴氏六體遺
旨李兆洛胡文忠諸地圖於計里開方尤精邇來郡縣
志多仿之前志輿圖不計里開方建置諸圖不附各門
並以八景章之繪事誠爲俗式所囿保章氏以星土辨
九州以分星觀妖祥爲歷代史志天文五行之祖劉知
幾謂正史不當以天文作志鄭康成謂古數書久亡後
世郡國入度皆堪輿家說此又方志不宜志天文之明
徵故韓氏朝邑康氏武功兩志不紀星野風土有記物
土布利以言乎風俗物產之麗乎地也故阮氏廣東謝

氏廣西兩志皆編入輿地略前志天文立專門輿地不載風俗物產亦所未安今制丁併於地役共賦輸其例一也壇廟之廟典祀之祠廟可賅蠲卹之卹六邑之普濟所寓其義同也金史太和六年創急遞鋪亦置郵遺制也今之鋪遞向有鋪司額兵宜屬武備我朝湖北以割股被旌者自雍正間江夏劉孝子始是亦孝也宜附孝友前志田賦賦役壇廟祠廟蠲卹普濟堂各目一事兩歧徒形複疊又以鋪遞入建置以割股名畸行此與城中坊市不附公署里甲不麗戶口廉俸雜款不

施南府志續編

瑣言

二

盡注田賦支給項下以及綠營俸餉標目於軍制外歷代兵事雜置於塘汛團練間皆義例之未精者也昔毛西河以蕭山人刊蕭志之誤自顧庸陋何敢效顰而踵謬沿訛殊慮負慚桑梓爰取近世通儒所脩郡縣志上溯唐之元和郡縣志宋之剡錄太平寰宇記及澉水臨安二志與元之齊乘而以湖北廣東廣西江西各通志參觀之析其門類爲目錄瑣言附於左方

輿地志

表圖附

沿革

疆域

星野

山川

形勝附

古蹟

冢墓附

風俗

物產

昔戴氏震謂沿革不明則山川人物無一不誤沿革全志眉目也前志誤置形勝之後今正之沿革旣明申畫有據附以輿圖始詳疆域亦猶坤輿之有圖說焉談星野者各執一詞湖北通志恭錄 欽定明史天文志語九十餘字存而不論則蘇平仲有分星無分野之說無庸置辨矣山川綿厯境內參鄺道元水經註及禹貢九州之法以鎮山定方位以巨川溯源流以距城里數計遐邇各具一圖圖不能盡則仿土訓誦訓繫之以說斯

施南府志續編

瑣言

三

脈絡分明羣山支流得所宗主青鳥家南北幹太少祖分水合水諸說猶能附會之前志於水之大者源流昭晰惟僅清江有圖而鎮山未舉豈班氏推表山川遺意乎形勝因山川而具者也一郡形勝無多擬附志之洪亮吉謂明代諸賢地志簡略故城舊瀆棄之如遺此元迺賢河朔訪古明李濂汴京遺蹟諸書所由傳也至若封墓禁樵亦憑弔者所寄慨則冢墓可附古蹟荆楚歲時閩中海錯記疏各以地傳則風俗物產宜屬輿地

建置志 圖附

城池

公署

坊市

壇廟

寺觀

善堂

鄉鎮

津梁

渠

關隘

施南自雍正十三年設府以來宣恩向無城池咸豐僅
土城利川城久圯建始有池而城亦圯公署則未盡脩
葺建置之難也三輔黃圖王士點禁扁所由特書乎潛
氏說友臨安志城池公署兼詳行在所錄其志中社稷
祠廟則壇廟也郵民諸局則善堂也坊巷鎮市則坊市
鄉鎮也橋渡巖嶺則津梁關隘也茲併入建置其由人
及神由近及遠之義與潛氏大旨悉可互證橋渡暨育

施南府志續編

瑣言

四

嬰諸堂前志以義舉標目附列捐脩姓名茲擬改義舉
為善堂以捐脩橋渡諸堂姓名分注津梁善堂各條下
以義舉行誼兩門好善樂施之有傳者載人物志義行
中庶使各有所歸他志於寺觀或不載或載雜紀今附
壇廟亦神道設教之意洛陽伽藍記前人有為之者方
志所不廢也

經政志

戶口

里甲

田賦

支給

雜稅

鹽法

倉儲

蠲卹

政之大而常者皆為經古者力役之征準諸民數漢口

算晉戶調所由制也族師比長昉自周官漢之里魁今曰里甲戶口稽焉明嘉靖間姜性奏行條編法張江陵執政始力行之其會稽錄合戶口田賦爲一事 國朝順治十四年因明制折中立法定賦役全書分上中下三則又有水鄉山鄉二則雍正七年湖廣總督邁柱奏准丁隨糧派良法美意均爲萬世所利賴施南山鄉也地多下則自乾隆三年定賦額地丁錢糧雜稅以次詳備徵輸之供支給者僅什一焉常平社義諸倉前志所載儲積數難盡符續編尤爲核實朱子社倉得劉如愚

施南府志續編

瑣言

五

而效著存乎其人耳郡屬例食川鹽接壤運銷價廉民便自川引淮綱分爭楚岸價倍於昔時使之然也至若兵災旱潦 詔沛恩膏境內孤貧堂名普濟前志恭紀於蠲卹門益見 國家深恩厚澤淪洽山陬爲曠代所未有也夫

學校志

學宮

學田賓興附

試院

院試經費附

書院

義學附

學額

周衰學廢漢至武帝始命郡縣立學校官其置弟子員於郡縣未詳其數後魏乃有大郡中下郡之分唐則以